

四庫全書

集部

欽定四庫全書

集部

參寥子詩集卷二

詳校官庶吉士

臣

汪彥博

侍讀臣孫球覆勘

覆校官中書

臣

田尹衡

校對官中書

臣

王家賓

謄錄監生

臣

陳炳

欽定四庫全書

集部三

參寥子集

別集類二 宋

提要

臣等謹案參寥子集十二卷宋僧道潛撰道  
潛於潛人蘇軾守杭州卜智果精舍居之墨  
莊漫錄載其本名曇潛軾為改曰道潛軾南  
遷坐得罪返初服建中靖國初詔復祝髮崇  
寧末歸老江湖嘗賜號妙總大師

國朝吳之振宋詩鈔云參寥集杭本多誤采他  
詩未及與析今所傳者凡二本一題三學院  
法嗣廣宥訂智果院法嗣海惠閱錄前有參  
寥子小影即海惠所臨首載陳師道錢參寥  
禪師東歸序次載宋濂黃諫喬時敏張睿卿  
四序抄寫頗工一本題法嗣法賴編卷帙俱  
同而叙次迥異未知孰為杭本按集中詩有  
同法賴韻者則法賴本授受有緒當得其真

惟所載陳師道序題曰高僧參寥集序與序  
語頗相乖刺豈傳寫者所妄改歟冷齋夜話  
稱參寥性褊憎凡子如讐今觀其詩如湖上  
二首之類頗嫌語少含蓄足為傲僻寡合之  
驗然其落落不俗亦由於此吳可藏海詩話  
曰參寥細雨云細憐池上見清愛竹間聞荆  
公改憐作宜又詩成暮雨邊秦少游曰雨中  
雨旁皆不好只雨邊最妙又云流水聲中弄

扇行俞清老極愛之此老詩風流醞藉諸詩  
僧皆不及韓子蒼云若看參寥集詩則惠洪  
詩不堪看也云云蓋當時極推重之曹學佺  
石倉歷代時選惟錄其游鶴林寺一首夏日  
龍井書事詩一首以當北宋一家殆從他書  
採摭未見此本歟乾隆四十一年五月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

集部三

參寥子詩集目錄

別集類二家

卷一

廬山雜興

十五首

陳季常靜菴

何氏寒碧堂

崔君草堂

虛寂堂

贈陶道人

廖公挽辭

絕句

覽秀亭

歸宗道中

寄王慎中

夏日山居

秋江

周郎中漁溪

陶宣德逸老堂

夜渡採石

秋日西園

五首

題楊君蘭軒

送琳上人

春日即事

臨平道中

寄辨才

游鶴林寺

江上秋夜

過金山

與元規三首



春晚 三首

卷二

邵伯道中

平山堂觀雨

建隆秋夜 二首

晚步

飲蜀井

次永仁韻

次何子溫韻

醉道士石

懷孫莘老

四柏堂

次秦少游韻 四首

次黃子理韻 三首

次龍直夫韻

三首

次孫傳師韻

春晴

二首

東園

三首

淮上

三首

冬夜會孫莘老

三首

曉出土山

寄蔡彥規

次太虛夜坐韻

呈莘老

次王通叟

寄仲恭

南樓書事

懷裴學士

呈慶禪師

卷三

再賦溫泉

游龍洞

次莘老贈顯之韻

虛樂亭

朱伯收觀雪

宿九曲池

邗溝絕句

寄李端叔

都下晚霽

酬邵彥瞻

訪蘓學士

彭門書事

三首

虛白齋

贈子瞻歌妓

登徐州黃樓

逍遙堂書事

子瞻飯別

寄李齊州

次子理梅花韻

淮上寄子瞻

別曾逢原

寄逢原

寄端叔

贈鄒賢

寄子由

贈子固 二首

宿乾明

寄莘老

寄李公擇

俞待制挽辭

卷四

春行

次傅師韻

淮上聞雁

與怡然夜話

鶴林寺

寄舒堯文

寄叔康講師

登壽寧閣

得端叔淮上書

送慧悟還闕

寄侍琪秀才

鍾山夜月

睡起

曾舍人挽詩 二首

子瞻赴守湖州 三首

賦得岸字

南溪泛舟

吳興寄子瞻

田居四時

龍井書事 四首

寄俞伯謨 二首

夏夜

送楚上人

晚興

下湖晚歸

秋日西湖 六首

晨起

卷五

招李無悔

寄彥瞻

次彥瞻韻

再次彥瞻韻

寄張明甫

探梅

歲寒

與元規話別  
二首

春日  
二首

春詞  
三首

駐景樓

見程給事  
二首

寄濟明

寄俞仲寬

春日雜興  
十首

雪堂雨中

春日赤壁

二首

別雪堂呈子瞻

題徐德之閑軒

東坡話別

贈潘邠老

酬周元翁

與魯子宣

送魯子開

過藏書堂

懷少遊子實

卷六

寄王元均

廬山雜興

四首

寄黃察院

寄二學士



寄東坡

寄章仲釋

梅花 三首

寄孫莘老

寄子由

和子由韻

寄二居士 三首

廬山懷子瞻

酬周亭叔

訪王荊公 三首

謁天竺觀音

次元翁韻

病中呈劉景文 四首

入智果院

辨才新亭

次蘓仲豫韻

辨才生日

題解頤堂

送仲豫就省

同蘓文饒泛西湖

酬錢塘宰

和景文兄

夏夜懷景文

次景文韻

寒食日

卷七

別蘓翰林

送景文

贈林子中

辨才夜坐

贈聰道人

送僧遊天台

覽子理詩

寄蘓太守

次陳敏善韻

都僧正挽詞

次吳承老韻

免充僧正

送子中

三首

呈廖通判

次王行甫韻

同遊天竺

次劉韋孟韻

三首

遊茗溪道場山

夏夜

送蘭花

二首

夏日竹閣

送李仲益

訪勤上人

荅曉上人

送俞伯謨

次文饒韻

陪人遊天竺

呈章丞相

謁荆公像

二首

曾子開話別

二首

寄妙懿

觀恭師詩

尋余清老不遇

和劉伯昌韻

次真禪師韻

送文惠還金華

題桐虛齋

題停雲齋

次智果韻

二首

次周開祖韻

卷八

次才仲韻

贈吳子野

送庠上人

才仲山行

神智話別

暉暉堂

次陳叔易韻

二首

曉霽

次感懷韻

遠齋

懷仙閣

華亭道中

泛西湖

和元翁韻

和明遠韻

秋夜見寄

送入還金華

宿天竺

三首

晨起

喜人見訪

送明上人之都下

送定上人

次劉蔡仲韻

次黃仲閔

蘓夫人挽辭

懷蘓伯達

題雙楠軒

次蘓端明韻

無為堂

示法穎

清聚軒

曉師見別

游徑山

雲巢

三首

呈秦少章

送無上人

燕默堂

送炎上人

懷舊隱

六首

懷何彥時

三首

劉秀才挽辭

四首

贈霍山人

卷九

送劉推官

觀東坡畫

淮上觀水

書秋景屏

過韞秀堂

二首

聰師見寄

升師見招

二首

殘菊

滌軒

觀司馬才仲

題桃竹軒

溪上

聽琴

二首

呈應禪師



題養浩堂

題玉淵堂

與定師話別

四首

題綠筠軒

懷毛澤民

寄趙伯言

讀東坡南遷詩

讀聞復詩

次聞復見懷韻

寄愚怛

次聞復韻

十首

夏夜偶興

次古上人韻

率同志誦經

呈曾子開

送錢持正

寄子開

贈潜照

木犀花

次關子容韻  
二首

湖上晚歸

子容見過  
二首

卷十

弔許元裕  
二首

湖上秋日  
十首

贈趙明發  
二首

樓試可見招

次秦少游韻  
十首

春陰

登西樓  
二首

送伯言

贈歐陽季默

次延中見贈

酬劉巨載

觀明發圖

次東坡韻

代老人答

子由書事

二首

次試可見訪

揖仙亭

同遊嶽寺

試可喜雨

夏夜

觀曹夫人畫

黃天選見寄

秋聲

次試可宿齋韻

贈德強

哭少游

次天選韻

次試可韻

卷十一

寄王晉卿

田承君話別

呈試可

送王彥齡

次周臣韻

題公震畫

二首

東坡畫枯木

雪霽圖

呈吳明甫

王立之園亭

十首

送慈義

東坡挽詞

贈孔處度

石菖蒲

送處度試

題孔方平齋壁

十首

行歌亭

四首

次孔處度詞

次方平見寄

題松堂

張公碩不至

用前韻

松圖

韓氏東園

息軒

卷十二

與蔡秀如

贈耿純叔

讀子蒼詩

二首

贈賢上人

喜雪

二首

書雀竹圖

過韓氏莊

二首

內樂菴

杞菊軒

寄潘仲升

送李南仲

佚老堂

贈權上人

孫傳師挽詞

孫智甫挽詞

題遠趣軒

蒙泉堂

夢中作

哭休上人

邃隱堂

呈周格非

觀牡丹

寄信上人

呈趙德茂

寄詵上人

山中書事

寄孔天瑞

聽琴

寄伯言

觀梅花

處順齋

贈聖可

游狼山

二首

容膝菴

酬王衮臣

觀伯山詩

雨中偶興

酬趙存道

賞牡丹

贈思正子

次思正韻

維秋  
日  
四首



欽定四庫全書

參寥子詩集卷一

宋 釋道潛 撰

廬山雜興

十五首

古帝論匡山南國之德鎮邇來得躋攀此語始吾信雄  
雄壓九江矗矗排萬仞青天落飛瀑白日雷霆震石鏡  
俄忽開孤光舞而運異花無冬春瑤草亦芳潤遠公初  
渡江道與言謁東晉劉雷贊高風邈世各無悶陳迹虎溪  
頭于今誰與訊

衆峯勢連環萬疊不可窮  
香爐獨秀拔佳氣常蔥蔥  
長風卷游霧曉壁開瞳矐  
招提出其下樓觀排青紅  
回眸盼五老剡削金芙蓉  
宜哉謫仙子愛此巢雲松

白鶴峯後原逶迤曠平陸  
道周問樵子古實青牛谷  
披榛得徑路曳杖驚麋鹿  
鮑生古騷人曾過鍊師宿  
明月古壇邊題詩記修竹  
茲焉廢耕隴歲晏空栽粟  
薄日靜街山驚湍瀉哀玉  
回首睇吾廬風幡隔林麓

山南信美矣山北尤增奇  
春風錦繡谷紅素自相依  
梯

空上絕巘雲日驚倒窺巖壁暈祥光五色成頗黎旁通  
大林寺松竹短且歌樂天當日遊四月桃始披餘齡願  
寄此永與人世違

少文好山林每往輒忘歸余生千載後獨與斯人違  
竭來爐峯下結宇聊棲遲長林拱茂木九夏遺炎曦  
溪雨晝忽破藤花照清漪黃鸝語深竹可聽不可窺

暮峯騰玄雲飛雨來滂沱亂點灑蒼壁森森挂青蘿  
須臾漲前溪蕩蕩浮銀河中流轉巨石出沒如鼉鼉天  
宇

夜開霽星蟾瑩摩挲玲瓏辨崖樹宛轉照庭柯詠詩無  
傑句奈此佳景何

中巖不知暑但覺晝景長朝來出孤定踽踽行西岡風  
泉漱石齒松雨飛蒼蒼猿鳥亦我喜庶麋還相將喬林  
積翠下粲然矚孤芳冉冉抱絕格霏霏浮暗香山祇善  
守護每吐雲霧藏寄言樵蕪子慎勿輕摧傷

龍湫亘三峽草木皆森竒禪餘得支徑別塢行逶迤上  
人吳門秀邈有方外姿芒屨襯兩足策策欣相追秋田罷

刈獲雲水明空陂雙雙林中禽文彩光陸離雍容事飲  
啄相顧忘驚飛鮮飈忽騰馥巖桂飄歲蕤峯端卧落日  
眷此忘還期

霜清玉繩曉澗谷風未號澄潭不可極俛盼驚骨毛豈  
不有神物於茲能遁逃海日射兩崖餘輝何昭昭遊鱗  
出岸穴翻覆如銀刀偶來殊不惡勝事俄所遭聊為五  
字詠遠愧謝與陶

山深雲物清挹玩沈浮慮昨日行澗南飄然即芒屨風

潭耿危杓晚與樵爭度隔水認梅花方驚歲華暮幽人  
眇江海樂事期誰預山月獨多情娟娟遲歸路

高巖吐奇雲倏忽千萬丈援毫欲名貌卷縮非一狀飛  
仙或遨遊隱隱出其上驚飈忽吹滅轉盼惟清嶂山中  
勝事多彼俗誰能亮

圓月未出嶺衆峯環蒼蒼裴回倚修竹遲此清夜光俄  
驚衆木顛灑灑浮銀潢玉兔既且躍浮雲亦難妨須臾  
經中天下矚被八荒却瞻中外官森森歛低昂

一月廬山陽光風動林壑陰崖拆層冰隱隱飛溜落曦  
和關 化工萬彙欣並作忽忽鳥聲聒艷艷花霧薄瘦骨  
喜攀躋芒屨便犂确期遇山阿人賞心將共託

五更山雨餘海月漏雲表流輝入庭戶炯炯白如縞百  
舌語空林關關催欲曉衆禽亦和鳴為我釋孤抱杉松  
本竒姿洗滌看愈好惆悵桃李花東風捲如掃

通玄接香谷夾道青松直高秋得微雨秀色寒更碧林  
梢挂紅子照眼明的的散策從所歡悠悠事遐歷僧坊

媚烟篆笑語戀几席陶謝安在哉空山獨行迹

陳季常靜菴

龐公與少陵不肯入州府畏人嫌其真但喜歸茆宇先生豈其徒與世亦齟齬年來作菴榜以靜靜非對動默即語閉門謝客親荷鋤秀甲珍芽春滿圃黃雞白酒厭妻孥醉以詩書相媚妩況復家傳侍郎後縹囊玉匣收奇古寶刀錯落走金蛇至藥品熒嘯鉛虎先生妙齡已絕人放浪江湖棄簪組居間自不減前烈遇物陰施功



不數我疑造物已收錄富貴來尋君勿阻不然騎鶴扣  
玄關跨蹠松喬攀佛祖

何氏寒碧堂

城東十畝春蕭瑟修竹漫山藹如拂颼颼細浪鳴石齒  
黯黯蒼雲翳朝日虛堂正在無有處不惜千竿開翠密  
鳴鳩野鵲亦解喜頽頽穿林語啾啾但得涼陰過酒樽  
莫辭晚色侵書帙蓬萊仙人為書榜筆端矯矯龍蛇逸  
北觀南來無與倫千載風流君不失

玉荆山人崔君草堂

玉荆山蒼勢蜿蜒玉荆澗碧涵漪漣山人結廬占幽絕  
如使世俗來無緣窓前松竹交夏蔭砌下紅紫爭春妍  
清腸終日飽葵藿耳目久厭論腥膻山空月晝猿鳥寂  
象床拂拭翻朱絃冷然細韻發幽指妙意自得人誰傳  
烏巾席帽事高格蹇驢獨跨何翩翩行當近林就卜築  
與子來往聊窮年

虛寂堂

吾聞卓道士操節如冰霜學窺老莊本淵然閱光芒當  
時世莫識落魄依四方嘗為京洛遊不踐聲利場衣裾  
卷塵土獨鶴翻南翔千里不駐足飄飄指潯陽潯陽多  
名山飛仙共徜徉晚歲隱城郭古宮極淒涼千金售鄰  
壤增築成虛堂流塵斷四壁虛白浮中央惜哉今已往  
弔影空歎傷賴有賢弟子黃冠挺昂藏區區慕高格綽  
欲傳芬芳逐客蘓太史堂堂國之良言為天下重墨妙  
逾珪璋為君易華榜庭戶增輝光風流滿江左知子非

尋常

遊詠真洞贈陶道人

淵明骨已朽陳迹尚可求我復識其孫長鬣青兩眸相  
去僅千載猶能繼風流寄跡黃冠中神姿邈清修相携  
行洞天暝色藹已浮松寒語栖鶴潭靜眠蒼虬蘭膏照  
深夜風磬鳴重樓吾廬閱三峽清淨亦此侔何時駕鹿  
車訪我西林邱

廖司法挽辭

吾聞廖夫子名大不得觀讀書盡五車行義拔前古聚  
徒從妙齡所至變鄒魯身雖甘陋巷志欲望伊呂風雲  
苟超騰名教當有補蹉跎鬚毛改寸祿晚方取青衫適  
南營素幔歸湓浦秋原起新隴寂寞一抔土悲歌動閭  
里清血灑如雨蘭玉已含芳行看秀庭戶

絕句

高巖有鳥不知名款語春風入戶庭  
百舌黃鸝方用事  
汝音雖好復誰聽

覽秀亭

飛甍巨棟出高墉  
覽秀開亭實有功  
湓水秋橫簾幙外  
廬山晴落酒杯中  
俯窺城郭千艘轉  
仰見星河四面同  
江左元規存舊觀  
孟侯還此繼高風

歸宗道中

朝日未出海杖藜  
適松門老樹暗絕  
壁蕭條聞哀猿迤  
邐轉谷口悠悠見  
前村農夫爭道來  
聒聒更笑喧數辰  
競一墟卽店如雲  
屯或携布與楮或  
驅雞與犍縱橫箕

簞材瑣細難具論老翁主貿易俯仰衆所尊區區較尋  
尺一一手自翻得無筋力疲兩鬢埋霜根吾鄉東南會  
百貨常源源金銀衣短後羣奴列崑崙通衢旅屨象顛倒  
同籬藩鮫綃與翡翠觸目亦已繁少壯供所役耆年卧  
高軒翁今處窮獨未易聽我言且當具鹽米歸家飯  
兒孫

寄王慎中教授

高人屏迹匡廬山不入州府今幾年煮葵烹藿日一飯

目光炯炯明星懸行修道富神所憐絳帳弟子如雲煙  
憶昨秋風宿曾巘杖藜扣戶君未眠堦松影月不到席  
耿耿惟有青燈然高談一傾百慮洗似拂蒿艾披蘭茝  
清詩落筆有餘地頃刻百紙珠璣聯錦囊別後有新句  
勿惜東使聊相傳

夏日山居

十首

杜宇鳴春已歇薔薇尚有餘花吾廬宛同彭澤遠屋美  
陰交加



苦笋爭抽豸角批杷競吐驪珠午飯松間睡足茶甌滿  
泛雲腴

紈扇輕裁孤月竹簟冷織雙紋呼取涼襟幽吹拂開亂  
眼浮雲

麥浪遙翻隴底雲峯忽起空端拄杖支頤松下直須細  
細吟看

山月明含草木溪風暗度襟裳寂寂簾櫳夜半羽蟲相  
趁飛揚

陰洞石床初掃誰來共飯胡麻鳥道新疏碧注為君沉  
李浮瓜

古徑斜依杉竹薰風永日無人噪鵲鳴鳩去後一聲幽  
磬南隣

門外溪行碧玉林梢日墮黃金好景莫愁吟盡會看月  
出遙岑

山雨洗開林幄梧桐日射荆扉傍砌榴花初吐照人特  
地光輝

遠壑尚餘殘照飛蚊已開前簷巢燕歸來何暮呼童為  
汝開簾

秋江

赤葉楓林落酒旗白沙洲渚夕陽微數聲柔櫓蒼茫外  
何處江村人夜歸

周茂叔郎中瀟溪

蓮花峯下水東出其流長十里漱石齒鏘然韻珎璜坡  
陀瀟野岸炯炯浮明光衣冠有曠士眷此宜徜徉乞身

不待老結屋棲其旁高風慕箕穎不羨尚書郎松菊手  
自挿葱葱蔚連岡了無川澤營庶以庶自方禽魚出堦  
塹詎識矰繳防雲山侑几席風月非迎將萬事委空洞  
頽然寄壺觴詩書聚屋壁教子心獨強翹翹雙鳳雛  
炳炳具文章婆娑刷勁翮雲漢期翱翔高名與溪水千  
載同湯湯

陶宣德逸老堂

二首

湓浦城南舊隱淪一堂無地可栖塵石床春卧茶藤砌

掠亂餘花墮酒巾

歸來詩酒洽天機  
騷客無煩詠式微  
三徑就荒松菊在  
洗除蒿艾淨秋暉

夜渡採石

滄江夜半月沉輝  
客子行舟失渺瀰  
不用然犀剛照耀  
波間百怪惡人窺

秋日西園

五首

日月更代顯光華  
難並留昔人尚行樂  
俯仰無暫休平

居得君子出處常相求良辰援余臂共作西園遊極目  
瞰平野緬然見蒼洲千林澹霽色萬韻生涼秋露華薄  
菊英藹藹香可掬參差間畦壠芋栗森相儔綠蔓無芳  
姿碧花茂牽牛低回矚籬落樹影環清流賞物志已諧  
何用登蓬邱

山家無外營超然閉幽室蒲團北窓下默坐終永日炎  
景忽差池涼飈動蕭瑟中林多橘柚粲粲垂華實凭高  
試徘徊幽興遽超逸雲霞散平岡太白空際出禽歸杳

莫辨積翠鎖深蔚吁哉宇宙間護落竟一物胡為市朝  
客終歲浪汨沒翳吾樂餘生昧事良可詰放懷在冥冥  
身世兩俱失

嘗聞晉支遁矯志歸沃洲千載激清風邈哉誰與儔余  
今雖不敏萬事非身謀竭來卧窮谷未覺慙先修一法  
尚無遣何勞問三休卷舒在至理賞詠歸優游採薇陟  
層阿濯足依澗流但驚桂花拆詎識江漢秋滄溟空汗  
漫無意狎羣鷗

憶昔少壯時意氣摩雲霓游心黃卷間豈顧白日西由  
來昧根本旦旦從所迷邇獨悟無為文字如委泥物生  
豈高下至道良自齊青山遶吾廬開戶衆鳥啼曉日上  
喬木秋光媚回溪畸人長往來絕壁同攀躋遐天淨若  
掃曠目無端倪楚客一何苦登臨獨悽悽

秋山夜來雨雲氣朝尚昏禪庭無來轍但見落葉繁石  
室暗燈火天容開霽痕耳目思遠適曠然啟層軒長謡  
緩輕策去去窮深源方塘灩清流鳬雁靜不喧時遭羲



皇翁容與諧笑言邈然採真賞歲晏誰與論

寄題濟源令楊君蘭軒

昔人慕猗蘭脩服比修潔往往卒歲間山中行採掇吁  
哉昔人去已久此花憔悴今誰折濟源長官真好古王  
屋天壇馳遠步陽崖月窟得芳叢滿握歸來誇所遇淨  
掃幽軒植薜蘿紫莖綠葉弄竒姿疎簾風軟日華薄  
芳馥滿懷君自知

送琳上人還杭

聚水作一雨多少近遠隨所遭或沾枯英僅濡浹或入  
巨海成波濤少林真風今百紀悵惜至此何蕭條喜君  
齊志早寂寞同我十載淪芻樵含冲嗜漠不自厭更欲  
刺口嘗羣餽師門祖席在在有得此失彼良自嘲竭來  
東南走千里但願刈楚逢翹翹駛浮長川不憚惡陟彼  
巨壘寧知勞誠專志苦若有相行斷西壤逢英豪金鉞  
扣天玄捷廓玉電激海明珠高星霜因循共千日誰爾  
使子先行包湖山蜿蜒湖水薄湖上幽人想如昨秋入芙

蓉露已薄曉捲簾攏暑初却明明潭底見行雲謾謾空  
中聞唳鶴此景從來吾已知異鄉寧羨君先歸由來出  
處元無隔同看明朝日上時

春日即事呈定海尉葛叔忱

層臺宿霞披滴瀝朝露濕有客獨登臨含情空佇立問  
君佇立何所為報言遠人嘗有期菊花黃日出山去芳  
草綠時猶未歸萬壑千巖望何極願托孤鴻寄消息少  
年游衍易蹉跎翻恐歸來不相識滿目春暉花爛熳花

底幽禽自相喚紛紛萬類皆有從獨我參差邈雲漢勸  
君不用長相思容顏消竭神空疲無情況有西樓月夜  
夜清光照不虧

臨平道中

風蒲獵獵弄輕柔欲立蜻蜓不自由五月臨平山下路  
藕花無數滿汀洲

寄龍井辨才法師

法師安遠徒我見常磬折顏網製像運基構甚宏達煌

煌四十載說法傾吳越人天會方丈萬趾常雜還藹然  
如邱山四座羞蟻垤投老倦揮塵毅然辭且決饑鷹得  
秋風轉盼俄一掣結茆南山陲雲蘿占幽絕昔我海上  
還相尋訪林樾夜闌叩微要猿鳥寂不聒慧風灑幽襟  
法雨濯枯枿別來今四載寒暑驚屢閱相望如星辰杳  
杳各天末何當從杖藜一笑龍泓月

載遊鶴林寺

招隱山南寺重來歲已寒  
風林驚墜雪雨澗飛湍壁暗

詩千首霜清竹萬竿東軒謫僊句洗眼共君看

江上秋夜

雨暗蒼江晚未晴井梧翻葉動秋聲樓頭夜半風吹斷  
月在浮雲淺處明

邵仲恭許相過金山未至

二月歸來江上居江流變綠江鷗去時移物改何足論  
身世悠悠本非固鳴屋角山雨餘花苞破紅滿芳樹  
晴窓曉日幽興催振衣出戶凌高臺潮回浪死風色定

縹緲沙岸煙中開故人佳期絕消息滿眼空看暮雲碧  
何日扁舟南渡來一灑高風破吾臆

淮王府園與王元規承事同賦

三首

年少王郎一幅巾杖藜呼我步城闌紅泥亭子闌干外  
絕目遙看萬樹春

一霎催花驟雨來蘂芳堂下錦千堆浪紅狂紫渾爭發  
不待商量細細開

藹藹春空宿霧披桃溪柳陌共逶迤阿戎莫道無才思

細草幽花總要詩

春晚 三首

疊穎叢條翠欲流  
午陰濃處聽鳴鳩  
兒童賭罷揄錢去  
狼籍春風漫不收

曉風池沼水瀾翻  
春盡淮南麥秀寒  
院落無人日亭午  
柳花如雪滿闌干

恠雨盲風卷却春  
傍欄蕭瑟只青筠  
引雛燕子朝天去  
回首多情語更頻





參寥子詩集卷一

欽定四庫全書

參寥子詩集卷二

宋 釋道潛 撰

邵伯道中

二首

一道河流遠接天  
兩行官柳復蕭然  
村舂歷歷鳴何處  
彷彿孤煙落日邊

回首山光古寺基  
拂天寒木耿斜暉  
孤撐漸與鐘聲遠  
但見風幡竹外飛

平山堂觀雨

午枕藜床夢忽驚柳邊雷送雨如傾蜀岡西望蕪城路  
銀竹森森十里橫

建隆秋夜

二首

梵唄聲沉香霧銷月明金殿影岵嶢夜深惟有龕燈在  
風露滿庭人寂寥

娟娟雲月照窓扉紙帳形開夢覺時庭下風篁自成韻  
吹簫安用玉人為

晚步

叢薄蕭蕭朔吹颺  
鴉遼亂欲投邨  
江南雪後山無數  
林表纔分翠一痕

次韻閻永仁博士同飲蜀井

潭潭古甃閼高岡  
修綆低懸百尺長  
庾語樂天推絕特  
第泉鴻漸許甘涼  
金盤謾說溥秋露  
玉盃休誇沃蔗漿  
更有碧梧盤爽蔭  
坐驚亭午失驕陽

次韻永仁見贈

憐君泣血依墳墓  
雖設衡門不妄開  
盈几貝多翻百遍

同龕彌勒禮千回夜寒幽鳥窺香火歲暮隣僧教往來  
何日為余重掃榻卧聽松韻落清哀

次韻何子溫龍圖見贈

春破刊溝古驛旁揮毫邂逅沈東陽自慚擊壤無高韻  
但愧投珠有異光曠達未應輸靖節風流可復羨知章  
我非照鏡迷頭客一接清歡亦似狂

楊康功待制所藏醉道士石

天官夜燕瓊樓春一官大醉顏穹旻飛光貫地若素練

百里雞犬聲紛紛吹風洗雨歲月古化此頑石良悲辛  
楚山之老頗知異濯以澗底清漪淪霓裳彷彿認羽客  
楮冠數寸橫秋雲空齋晝間戲一擊琅然哀韻還清真  
我聞天官天所陳雖復暫屈終當伸烈風迅雷一朝作  
却上蒼蒼朝紫宸

乾明夜坐懷孫莘老學士

余生飄泊猶斷蓬詎肯低回附根柢茲焉得坎謾栖止  
一日從風即輕逝淮南十月寒未苦耿耿虛堂屬宵夜

星辰錯落挂簷廡與氣侵尋入衣袂桐葉聲翻玉露圓  
竹枝影掃金波碎安得南隣龐老翁揮麈堂堂坐相對

維陽府學四柏堂

鄒志完待制  
時為教官

頻宮本淒涼庭戶無冗長蒼然餘四柏終日清相向夫  
人擅所有高懷益超放炎蒸五六月大厦如甕盎涼颼  
天外來披拂逾一餉恍如乘虛舟破月渡溟漲嚴冬衆  
木死嶷嶷獨無恙非永造化私故與冰雪抗宜亦有神  
明茲焉陰所相



次韻少游學士送龔深之往金陵見王荊公

四首

春風隨意可嬉娛  
水有舟航陸有車  
應笑揚雄未忘我  
閉門猶著解嘲書

夢幻皆輸古竺乾  
功名何用咤燕然  
羨君一棹江南去  
碧薺時魚暮雨邊

虎踞龍盤亦漫雄  
城荒狐兔往來通  
可人惟有秦淮月  
出沒娟娟波浪中

白下長干春霧披  
家家桃李粲朝暉  
懸知一見毗耶老

心地如灰不更飛

次韻黃子理宣德田居四時

四序自逶迤田園常局促春陽旋東舉迫我事鉅鎔出  
種曝籬根驅牛飲溪曲暉暉明朝陽聒聒喧布穀顏齡  
惜筋骸曉睡謾云足蓐食出柴門荷篠赴幽谷寒條視  
柔桑密葉已舒綠今年氣候蚤膏雨厭霖霖隣翁時一  
來畊耨每相屬

離離小麥黃習習南風度桑棗暗蓬麻耘鋤困朝暮種

瓜屋東隅翠蔓已分布黃花引疎籬冉冉欲橫路白水  
漫青秧聯翩下鷗鷺新絲換濁酒餽藪羞薄具灑掃聚  
比隣環坐蔭高樹稚子羨羸餘牽衣傍翁姬牛羊嶺外  
歸落日林梢去餉媼亦還家笑言隔烟霧

邨落已徂暑蚊蠅尚喧啾衡門霽朝雨茆竹歸新秋機  
絲迫隣女軋軋無停休中田藹黃稼爛熳如雲浮綠蟻  
釀新甕嘉魴釣清流瓦尊遲來客禮數忘獻酬三杯未  
肯辭笑語方綢繆時平盜自隱場圃無宵憂兒孫漸東

髮婚嫁迫所謀欵曲從我言歸途蹇淹留林端有月色  
相送前溪頭

朔吹鳴高林回堂冰已結牛羊卧茅屋原塹暗飛雪壯  
男臂雕弓短後事田獵饑鷹一號呼荒徑灑毛血歸來  
誇意氣隣舍呼飲啜明朝過南山更欲窮窟穴寒爐然  
豆萁光燄時起滅布被擁嬌兒從渠踏裏裂老翁寢不  
寐輾轉念鶯鴨籬落易穿窬狐狸恐驚發

和龍直夫秘校細雨

三首

細雨連阡陌輕雲濕不飛池寒鷗自卧巢冷燕催歸慘  
澹疑沈樹飄蕭忽近幃簷花霑已久稍欲墮人衣  
薄霧魚寒雨凌晨靄未分細宜池上見清愛竹邊聞斗  
帳侵蘭夢虛櫺逼蔥薰晚來欣小霽鈎箔見疎雲  
傍砌飄纔斷從風強更來斑斑泣蛛網浥浥汗江梅薄  
日光時漏層陰意未開少陵心易感詩句寫清哀

次韻孫傳師龍圖游醴泉寺

楊林幾曲到城根中有招提氣象昏  
暝雀聚羣盤棟吻

老藤垂蔓覆高垣月生歸路無燈火巷轉人家有笑言  
却掩吾廬還寂寞冷風搖幔影翩翻

春晴二首

積雨久不破層陰蔽城闕曉來得春風掃蕩淨六合綽  
約牆頭花依微帶殘月少年誰家子驂騑飛蹀躞揚鞭  
出郊去逸興生林樾黃鳥弄柔音青梅已堪折行樂須  
及辰芳時易消歇

寒食東城隅青楊夾馳道高樓暖鳳笙絕曲聞縹緲晴

日動鞦韆飛烟拂瑤草南鄰與北里良辰競為好人生  
逆旅間何必事拈槁仰首笑春風茲懷誰與造

東園 三首

斜照明明射竹籬桑陰翳翳麥蛾飛蕭條一徑無來轍  
時見羸牛引犢歸

曲渚回塘孰與期杖藜終日自忘歸隔林彷彿聞機杵  
應有人家在翠微

雲峰缺處支筇立溪溜聲中弄扇行習習南風吹百草

幽香知有蕙蘭生

淮上 三首

蘆梢向曉戰秋風  
浦口寒潮尚未通  
日出岸沙多細穴  
白蝦青鱗走無窮

今夜沙頭月上遲  
小螢零碎傍船飛  
可憐光彩雖無限  
何似嬋娟一寸輝

天闊陰雲低抱樹  
沙寒鷗鷺欲親人  
小航泊處誰家住  
修竹疎花宛似春



冬夜會孫莘老司諫書齋

三首

去馬來車聲已闌雪雲低壓暮簷寒地爐山拚燒初熟  
軟語聊為世外歡

碧瓦爐焚裊裊香紅柑紫栗更分嘗從來樂事人間少  
不惜歸途夜漏長

多病山人能放曠忘緣居士解逍遙蒲團疊足清相向  
誰道雲林滕市朝

曉出土山

遶山修竹曉參差  
葉葉塗霜墜碧枝  
日脚漸高風乍起  
蕭蕭恰似雨來時

寄蔡彥規主簿

遶舍蒼烟晚更凝  
隔簾新月未多明  
棲鳥著樹無餘噪  
老檜噙風有細聲  
客散愈憐真境好  
定回猶覺幻身輕  
可堪俗子能知味  
此語聊傳北郭生

次韻太虛夜坐

少游一字太虛

古寺冬蕭瑟  
天寒色更冥  
捲幃延素月  
轉盼失流星  
爐

底眠枯枿窓根立凍餅譚餘焚柏子一燧小煙清

廣陵城外埜步呈莘老

林梢聒聒鳥聲繁積雪初消澗水渾老樹卧波寒影動  
埜烟浮草夕陽昏風回笛響山前路犬吠人行竹外村  
杖屨不知幽興遠歸來新月在柴門

次韻王通叟寺丞見寄

雕斲肝脾欲報功還如獻豕過遼東珠璣屢獲淵雲妙  
土木曾無粲忍風耿耿吟魂嗟異處迢迢桂魄謾相同

錦囊應有新詩在九曲池邊多塞鴻

寄仲恭

晚雨霽邪郭晴雲述紛披曦和拆萬物初莖弄歲徒儵  
魚泳弱滌漾漾動碧漪緬彼空際山黛影搖參差感此  
芳菲節羨人曠佳期音形眇何方莽莽天一涯長河泮  
春水華浪激箭馳好憑三尺鯉寄我相思詩

早秋南樓書事

白帝初回天地秋井梧葉老陰尚稠森森爽氣入屏幙

骨冷魂清無汗流，覺來覽眺覓佳處。  
挾冊獨上西南樓，崇山廣澤坐可挹。  
遠水孤村橫道周，上窺青天墮海日。  
下瞰白鶴盤庭楸，誰令濃陰起層嶂。  
撲撲亂眼如雲浮，埋林漲壑只俄頃。  
撫袂掩抑將誰儔，明星皎月邈難見。  
絡緯蟋蟀空啾啾，安得風生土囊口。  
萬里一掃無停留，王孫未歸空碧草。  
我思不見徒離憂。


和莘老經六合西門水亭懷裴學士

折柳相從地重來，失舊柯林光延晚。  
照岸影動霜波碧，

圃檀藥密朱簷翡翠過主人成異物搔首奈情何

和莘老初至溫泉呈慶禪師

年華行已老林莽尚蒼蒼地勝連龍窟泉溫注鬼湯人  
風遠城市鐘梵近僧房九夏來投錫棲心應更涼



參寥子詩集卷二

欽定四庫全書

集部

參寥子詩集卷

三至  
六

詳校官庶吉士臣汪彥博

侍讀臣孫球覆勘

覆校官中書臣田尹衡

校對官中書臣王家賓

謄錄監生臣陳炳

欽定四庫全書

參寥子詩集卷三

宋 釋道潛 撰

再賦溫泉

赭落峯前與世分  
浴湯井竈深雲月生滋  
穴流寒影風入華清  
皺碧紋暗引石池波  
宛轉暖蒸苔壁氣氤  
氲解衣盤礴南窓下  
骨肉都融到日曛

次韻莘老遊龍洞

矐矐杲日破林垞  
杖策相將馬暫停  
路與猿獠爭險磴



身隨鴻鵠入青冥  
巉巖曲穴疑無底  
盤屈蒼虬信有靈  
能使謝公詩興動  
宛如游及發新硯

次韻莘老贈顯之

盤盤秀嶺遶層簷  
方丈門開挹翠嵐  
風激松梢聲間發  
月留泉底影相涵  
天機清曉猊臺臺  
震險句窮宵虎穴  
探白傳異時脩故事  
杖藜應許到雲庵

虛樂亭

誰搆新亭近翠微  
似教陶令洽天機  
池光引月來簷廡

竹影疎風到客衣  
愛酒有時攜玉竿  
無絃聊自拂金徽  
人間樂事還能幾  
肯向良辰與物違

次韻朱伯收主簿觀雪二首

朝來密雪蔽天涯  
坐目邱園發素華  
初著敗梧驚擁腫  
久霑庭竹見欹斜  
水精不動垂千筍  
雲母無聲落萬家  
安得蒼穹返收拾  
莫教浪籍渾泥沙

陰風何事吼簷牙  
夜半窓前變物華  
夢斷只疑蟾影在  
褰幃俄駭練光斜  
若侵陋巷凌寒士  
強入高樓媚酒家

霽後請看庭下草  
蕙蘭含綠出晴沙

次韻姜伯輝朝奉宿九曲池

當時樓闕已桑麻  
陳迹何須置齒牙  
宛轉顏城圍綠野  
嵌峯孤塔背明霞  
山雲度晚飛瓊葉  
海月生秋墮桂花  
圓嶠方壺同笑語  
終宵疑在水仙家

刊溝絕句

隔屋蕭蕭風度竹  
當空粲粲斗翻芒  
崢嶸歲月人間暮  
目斷雲山歸興長

過新開湖寄李端叔大夫

新開湖邊秋夢曉雞犬無聲人悄悄試揭疎篷覘日華  
水面殘星猶繚繞嘗聞明珠藏巨浸光焰一出輝羣草  
篙師為我暫停櫓象罔終期入幽討波間宛轉興方豪  
依然別恨生懷抱故人離羣東海頭徇祿推眉事枯槁  
菰梢蘋末翠猶在蕙蘭憔悴青楓老浪游不知歲月徙  
舊約無端失天杪目羨南鴻兩兩飛安得身同羽翰小  
游胥堂在吾必行一榻數椽應預掃

都下曉霽

千門昨夜雨萬木曉生光御水浮紅蘂宮雲麗粉牆轉樓遲日靜縈草亂絲長想像西池路濃陰覆綠楊

酬邵彥瞻朝奉見寄

揚州從事多文章新詩組織如朝霞高懷忽念朔方客秋風一紙來天涯都城冠蓋屬休沐解后過我森如麻開緘傳讀不知厭愕立圍視相驚誇上言音形濶川路下言杖屨埋風沙蹲鴟正熟邀我返城南古寺無諠譁

我今翩然已東下輕舟早晚從公家平山堂西百尺井  
請公為汲烹露芽

訪彭門太守蘓子瞻學士

眉山鬱弗眉水清清淑之氣鍾羣形精珍美璞不能擅  
散發宇內為豪英煌煌蘓氏挺三秀豫章杞梓參青冥  
少年著書即稽古經緯八極何爭嶸未央宮中初射策  
落筆游刃揮新硎翰林醉翁發竒歎臺閣四座爭相驚  
逡巡傳玩騰衆手一日紙價增都城同時父子擅芳譽

芝蘭玉樹羅中庭風流浩蕩搖江海  
粲若高漢懸明星  
前年聞公適吳會壺漿跪道人爭迎  
浮雲流水付幽討  
下視世網鴻毛輕野人弱齡不事事  
白首邱壑甘忘情  
神仙高標獨未識暫棄蘿月人間行  
朝吳暮楚失解后  
惆恍夜夢還惛惛邇來旅食寄梁苑  
坐嘆白日徒虛盈  
彭門千里不憚遠秋風正馬吾能征  
鈴齋更退屬幽欵  
一看揮塵銀河傾

彭門書事寄少游

三首

我思君處君思我此語由來自謫仙  
欲借野人傳紙尾  
待憑新雁寄遼天

戲馬臺邊駐馬蹄  
回廊曲院總攀躋  
秦郎前日曾來否  
試拂凝塵覓舊題

百尺黃樓拂杳冥  
樓前風物極崢嶸  
東州詞客渾爭詠  
獨怪相如賦未成

虛白齋

與子瞻共坐有客饋魚於子瞻  
瞻遣放之遂命賦是詩

嘉魚滿盤初出水  
尚有青萍點紅尾  
銀腮戢戢畏烹煎



掘強有時俄自起彼客殷勤贈使君願向中厨薦醪醴  
使君事道不事腹杞菊終年食甘美傳呼慎勿付庖人  
百步洪邊放清泚回首無欺子產淳謾道悠然泳波底  
子瞻席上令歌舞者求詩戲以此贈

底事東山窈窕娘不將幽夢屬襄王禪心已作沾泥絮  
肯逐春風上下狂

陪子瞻登徐州黃樓

黃花離披秋日短使君無事邀僧飯飯餘軟語熟香幽

共坐圓菴不知晚  
燭籠持火報黃昏  
使君愛客還留連  
前登修徑步超逸  
後却從御來聯翩  
城頭陰陰未上月  
城下激激鳴潺湲  
漁燈照船沙岸近  
賈客夜唱聲清圓  
徘徊始轉黃樓側  
銀箭銅壺知幾刻  
欄杆倚遍惜分攜  
泣泣芙蓉珠露滴

逍遙堂書事呈子瞻

尋常卧雲林往往厭闌闌  
今朝郡齋裏岑寂反可愛  
曦和破簾攏幽鳥語庭際  
開門面修圃珍木羅翠蓋  
蕭疎

舊菊叢衰露有餘態主人事天和萬慮屏身外勞生一  
斷梗何處考根抵安能從物役擾擾空卒歲脫巾每相  
從頗得資傲倪

次韻子瞻飯別

鈴閣追隨半月強葵心菊腦厭甘涼身行異土老多病  
路憶故山秋易荒西去想難陪蜀芋南來應得共吳薑  
白雲出處元無定只恐從風入帝鄉

次韻少游寄李齊州

畫船京口見停橈  
蕭灑渾疑謝與陶  
但把好山供膝踐  
不將餘論挂塵勞  
諫垣天上經焚草  
藩國年來屢夢刀  
北客近傳新政美  
未嘗因物強吹毛

次韻少游和子理梅花

朔風蕭蕭方振槁  
雪壓茆齋欲歌倒  
門前誰送一枝梅  
問訊山僧少  
病惱強將筆力為摹寫  
麗句已輸何遜早  
碧桃丹杏空自妍  
嚼蕊嗅香無此好  
先生携酒傍玉叢  
醉裏雄辭驚電掃  
東溪不見謫仙人  
江路還逢少陵老

我雖不飲爲詩牽不惜山衣同藉草要看陶令插花歸  
醉卧清風軼軒昊

自彭門回止淮上因寄子瞻

竭來淮上卧蕭宮回首人間萬事空  
院靜水沉銷薄幔  
睡餘寒日耿修桐  
南山訪古思杯渡  
北海談經憶孔融  
寂寞蒹葭霜雪後  
何時重倚玉青葱

與曾逢原寺丞相別

落葉追奔卷地飛  
淮流轉處楚山稀  
君騎黃鵠朝天去

我憶青松舊壑歸道在不須驚契濶情親聊用惜分違  
巖居祿隱都如夢莫向秋風歎式微

夜泊淮上復寄逢原

黃沙白草滿淮垠逆旅蕭條思不禁風約亂雲歸隴首  
角催明月出波心槎頭湧處潮初上斗柄移時夢未沉  
遙想故人投宿地畫船應在碧榆林

曉發桃源寄端叔

桃源渡頭雞一鳴舟子夜起趨南行泯泯河流浮落月

蕭蕭岸木驚秋聲  
依人翡翠霜翎重  
拂棹芙蓉露蕊輕  
為報舊游朝士說  
天街何似此中清

贈鄒醫

君不見宋清市藥長安西  
衆工就取資刀圭  
瘡瘍疾病一皆往  
所應不必黃金賫  
度未能酬輒焚券  
恥學庸生憂噬臍  
人人德清莫肯負  
日獲遠利豐子妻  
公侯餽遺日相屬  
螭食華衣乘馭  
羅池神人為作傳  
至今名譽橫雲霓  
鄒君業醫世淮海  
瀉盛補衰知徑蹊  
玉函

金匱恣探討，以自副能不迷頃年。西游抵京室，達官貴吏爭品題。歸來鄉縣頗蕭瑟，湖水粘雲芳草萋。憐余寢瘵古佛剎，每辱珍劑相扶携。傾囊倒橐願為贈，唯有圓蒲并杖藜。君聞掉頭不我顧，止索詩句光衡圭。夜披陳編見清事，重嗟此道今如泥。君誠有意嗣前躅，篋笥不憂無錦綈。

寄蘓子由著作

先生道德若為容，曾向南都幕下逢。拔俗高標驚萬丈，



凌雲逸氣藹千重低梧暫宿張家鳳  
濁水難藏許氏龍  
歲晚雪霜雖更苦未應憔悴碧巖松

贈子固舍人二首

文章煒燁動當時雋人雖多不並馳  
解激頽波旋往古  
獨憐夫子抱青規山川淑氣真能感  
宇宙雄名豈浪垂  
未信長途老天馬行看蹴踏上瑤池

吏部遺編久寂寥穎濱居士亦蓬蒿  
支流盡屈江湖濶  
衆阜爭隆泰華高落落千章揮琬琰  
湯湯萬頃起波

濤玉堂鷄鷺遲公久何事崎嶇尚夢刀

宿乾明

五更風雨鬧秋堂夢斷篝燈尚有光明日又為湖上客  
船頭雲水正茫茫

寄莘老

十年手把使君麾一日歸來踐赤墀偶爾夢中成故事  
凜然霜後見竒姿枯荻在昔嘗叨蔭微蚋于今賴附馳  
況有雲庵閼深谷他時香火與君期

寄李公擇侍郎

高城夜寂起清風  
月下清霜墮曉空  
澤國已驚黃橘柚  
省垣應對老梧桐  
青錢舊數文才妙  
碧落新游問望隆  
四海倚公調鼎鼐  
佇瞻和氣洽冲融

俞公達待制挽辭

二首

金鐸哀傳靜列營  
將星飛墜漢蕃驚  
森森氣與秦山在  
奄奄魂隨隴水傾  
塞路簫笳悲部曲  
海天風雨濕銘旌  
堪嗟未勒燕然石  
遽失連雲萬里城

東吳佳氣久氤氲果見雄才出海濱  
屢試干將羌破膽忽摧梁木士霑巾  
人間夢斷黃梁熟天上樓成白玉新  
零落山邱今古事情鍾我輩謾傷神

參寥子詩集卷三

欽定四庫全書

參寥子詩集卷四

宋 釋道潛 撰

春行

朝入春山千萬重  
莫歸溪上漫匆匆  
白沙岸口長回首  
無數漁燈翠靄中

次韻傳師見過

孫郎瀟灑逼人衣  
咫尺塵埃隔蕙帷  
陋巷有時過佛剎  
談經還共惜秋暉  
百年空果冥中謝  
一寸靈珠象外歸

久矣此情人不諭援毫聊復為君揮

淮上聞雁寄仲恭

歌枕船舫夜櫓停數行南去雁如繩起來欲寄相思字  
高拂銀河喚不應

與怡然夜話

雲埋碧瓦寒侵戶榻照青燈夜色空故國十年無限事  
笑談如在夢魂中

鶴林寺

宛轉回廊漫布金蕭條寒日墮墻陰門前合抱松千尺  
黃鶴不來年已深

寄舒堯文教授

經綸滿腹貯雲霓卓犖邱門道可躋絳帳開時霞影亂  
青衿立處雁行齊憶親麈尾焚香夜共惜筠梢落月低  
別後鳳毛知更長五車應已識詮題

次韻順上人寄叔康講師

少年好詩書齷齪開門戶有若丹青徒秉筆學畫虎法



師當是時聲價久已負籍籍東州人高譚慕支許余時  
跡四方浪涉川陸苦昨夜北山翁挑燈同軟語因論鄉  
里賢悵師成獨阻南徐號名都興發歷漢楚崢嶸江上  
山王氣埋千古至今風前笛夜夜怨江浦感慨易成吟  
安得君來伍

次韻順上人登壽寧閣

昔過廣陵日茲樓亦盤桓飛甍切星斗鴻鵠爭危闌恍  
若隨扶搖九萬直上搏下視古帝基蕭條空漫漫當時

競豪華人物鏤綺紈孰謂千載後故宮半畊殘城西舊  
輦道繚繞猶屈盤咫尺見螢苑枯榮生晝寒閭閻豈復  
隘狐兔穴已寬楚楚但喬木萋萋無寸山苟非壯士懷  
往往不忍看青旗催畫角回首送飛翰

得端叔淮上書

云長淮秋色清曠順風  
揚舲恨不得與君俱之

飛鴻從西來有客遺我書開緘識遠意字字情有餘報  
言歷長淮泛泛乘舳艫天開滅遠霧水碧涵空虛超然  
忘端倪身世疑有無徜徉極幽致恨我失之俱我昔與曾

子茲游頗躊躇風高當白帝露冷凋紅蕖扁舟僅半月  
歷覽窮朝晡伊人亦才華俊逸千里駒結交慕豪彥  
倘儻非迂儒當時欲相從恨子隔海隅今朝子獨往我  
輩還星疎邂逅亦有分夤緣非強圖茫然臨西風俛首  
良自吁庶幾有至理去彼形跡拘相望雲漢間皎潔同  
蟾蜍

送慧悟大師還闕下

道人本丘壑浪為京華居一往二十年歲月驚須臾禪

餘挾妙術出入卿大夫飛揚動天子聲聞傾九衢紛彼戶  
外屢泛如水中鳬高懷勌酬應逸賞思江湖春風卷衣  
袂千古隨舳艫中冷湧樓觀圓嶠連方壺杖策步  
鰲頭直上窮崎嶇超然萬象外所得良有餘興盡乘白  
雲飄飄還帝都

將之金陵寄侍琪服之秀才

黃昏落帆牛渚磯蒼石岸黑行人稀漁燈夜深遠近沒  
水鳥月明來去飛瓶盂漸與南斗潤身世東去將焉為

鍾山咫尺行可及會當與子同遨嬉

鍾山夜月

禹壑千巖夜未央月華松色共蒼蒼上方已覺無人語  
金殿誰焚柏子香

睡起

紅芳落盡踏青青啞咤黃鸝隔樹鳴午睡覺來聽不足  
杖藜重過竹陰行

曾子固舍人挽辭二首

命世高標見實難  
狂瀾既倒賴公還  
學窮游夏淵源際  
文列班揚伯仲間  
落落聲塵隨逝水  
滔滔論著在名山  
淒涼四海門人泪  
想對秋風為一潛

雄詞大冊破幽昏  
返覆難窺斧鑿痕  
投老雍容歸法從  
銜哀倉卒去都門  
雲泉已負高秋約  
江渚空悲靜夜魂  
誰與朝廷終太史  
君王應待鵲鴿原

子瞻赴守湖州  
少游與余同載因游惠山覽唐處士王武陵竇羣朱宿詩追用其韻

各賦  
三首

山煙弄滅沒山木含葱蒼刺舟傍遙岸理策升虛堂周  
遭矚層巘矯矯如翱翔下瞰平田流澹然浮日光青勞  
解初擇洗雨聞清香雖云迫前途真賞豈易忘

松門暗朝雨寂歷無行人隆曦忽穿漏卉木蔚以新堦  
泉漱石齒照眼光磷磷使君美無度卓犖遺囂塵風  
標傲竹柏談笑凌穹旻何愧沈冥子卧霞吞結隣

揚帆渡江來洗眼驚翠樾雲姿既容裔鳥哢更清絕凌  
梯訪前蹤琬琰亦未減嗟我魚目光疇能綴明月狂墨

掃琅玕風烟坐中發殊勝區中人茫茫走飛轍

吳江垂虹亭同賦得岸字

蜿蜒誇長虹吳會稱傑觀淪漣幾萬頃放目失浪岸倒  
影射遙山青螺點空半從來夸震澤勝事無昏旦破  
浪湧長鬚排空度飛翰肺肝入清境劃若春水津安得  
凌九埭從公游汗漫

同吳興尉錢濟明南溪泛舟

枇杷弄實梅欲黃海氣冥冥錯昏晝僧房亭午隘可鄙



畫舸從君逐溪溜斗欣紛翳眼前失但覺波光翻穀縹  
蘋花洗雨白雪香荷柄吹風青玉瘦回看行人走南北  
蠹蝨岸傍如蟻鬪一竿落日麗樵明繞郭雲山相倚構  
嶄嶄青壁映彤霞轉盼忽驚開錦繡好將傑句為余寫  
天乞君才多穎茂錦囊玉刻厭傳玩燕尾蠶頭吾未究  
輕撓欲動蹇淹留城上哀笳淒已奏

吳興道中寄子瞻與少游同賦

弱性嗜幽散出門隨所便蓮房紛可襲林幄正高褰羣

木含晨景孤撐破宿烟逶迤屯秀萼宛轉瀉清漣岸匝  
藤花暗崖垂桂影圓引雛鳴鵲鷦鷯鮮露嬋娟恍若經  
愚谷渾疑渡輞川葑田青泛泛石葛蔓綿綿緬想醉山  
簡相從狂謫仙援毫更妙韻愧乏碧雲妍

田居四時

原隰春風暖池塘雁北翔曉耕雲塢潤午飯野芹香燕子  
依茆揀花枝過土墻東阡與南陌生事日皇皇

五月梅爭熟村村桑柘稀茜裙蠶婦瘦粉翅乳鶯肥菱蔓

滋溪雨藤花鎖釣磯呼兒行採去亭午候荆扉  
刈獲終吾事田園日向閑晚香增橘柚潦水耗汀灣聚  
噪棲鴉定孤吹牧豎還兒童驚野燒一片起前山

汨汨防濃霧窮冬亦謾勞  
荅詹催日午籬落聽雞號臘  
近還移竹宵閑更索綯  
春風歸早晚行見事東隄

夏日龍井書事

呈辨才法師兼寄吳興蘓太守并秦少游少游時在越

翠檻高蘿結畫陰  
驕陽無地迫吾身  
石崖細聽紅泉落  
林葉初嘗碧柰新  
揮塵已欣從惠遠  
談經終恨少遺民

何時暫着登山屐夾岸烏紗漉酒巾

雨過千巖爽氣新孤懷入夜與誰隣風蟬故故頻移樹  
山月時時自近人禮樂汝其攻我短形骸吾已付天真  
露華漸冷飛蚊息窓裏吟燈亦可親

自憐多病畏炎曦長夏投蹤此最宜青石白沙含淺瀨  
碧梧蒼竹聒涼颼雲中雞犬聽難辨谷口漁樵問不知  
斑杖芒屨隨步遠歸來幽火認茆茨

竭來人外慰棲遲谷遠山長萬事遺好鳥未嘗啗俗韻

白雲還解弄奇姿  
藤花冉冉青當戶  
竹色娟娟碧過籬  
不羨故人探禹穴  
短橈孤榜逐漣漪

寄俞伯謨宣義昆仲

二首

謝家蘭玉競芬芳  
千里南來未易忘  
猶憶娑羅雙樹院  
月明相對坐胡床

多病侵尋鬢已霜  
昔年交友半殊方  
吳臺松柏今何似  
想見龍蛇數尺長

夏夜

斗帳昏昏夜氣蒸移牀趁月卧中庭紫微花露濡衣冷  
翻覺華胥夢易醒

送楚上人還廣陵慶禪師法席

吾鄉少年多齷齪投老家山猶戀著何異醯雞舞甕天  
肯信十方無壁落羨君壯懷慕遠舉萬里雲山行犖确  
荆江洞庭虛浩渺歛衽浮杯心自若去年臘月過溫城  
聆我幽蹤卧雲壑竭來相從慰契濶笑語逸發驚猿鶴  
春風又復卷征衣問子東去將何為廣陵城西古佛剎

中有老禪吾所師當年與君共伏役妙道彷彿窺藩籬  
別來星霜歎已久夜夢往往神魂馳真金雖已出頑鑛  
鍛鍊豈厭增鉗鎚縱橫法縛斷除盡了了方為獅子兒

晚興

墻角風欺竹影斜數聲啼盡欲棲鴉重門已閉斷還往  
獨卷疎簾進月華

下湖晚歸

屈曲莎隄引興長肯辭芒屨踏秋霜歸來已奏孤城角

撩亂梅花落粉牆

秋日西湖 六首

兩山斜抱翠逶迤一水中間似漾陂  
孤榜獨來還獨往  
鷓鴣鷓鴣莫相疑

琤然一葉墮空庭似喚幽人夢欲醒  
斜倚素屏寒翠幔  
沉香烟吐博山青

南山爽氣對朝扉竹露吹風更濕衣  
可是吟魂怯清景  
何妨著屐步苔磯



飛來雙鷺落寒汀秋水無痕玉鏡清疎蓼黃蘆宜掩映  
沙邊危立太分明

欲跨高樓曠遠情無端秋雨苦冥冥崢嶸日脚漏雲屢  
瞥見遙山一抹青

西風夜半捲庭槐卧聽隣翁曉圃開稚子相呼入林去  
應知病葉落莓苔

晨起

窓扉曉闌對平湖爽氣侵尋冷入膚林迥霜黃垂橘柚

渚清沙碧老菰蒲忘機鷗鷺元相狎得食猿獮不用呼  
游目騁懷心正逸更憑高處立須臾

參寥子詩集卷四

欽定四庫全書

參寥子詩集卷五

宋 釋道潛 撰

戲招李無悔秀才

淋漓一雨過秋山洗出西湖小  
霽天  
炯炯魚鱗含倒影  
飄飄羊角卷荒阡  
野塘白芡珠盈斗  
幽浦紅蕖錦繞船  
冷炙殘杯當已厭  
好來波際弄嬋娟

西湖雪霽寄彥瞻

西湖漫天三日雪  
上下一色迷空虛  
層巒沓嶂杳難辨

彷彿樓觀疑有無  
饑雛乳獸失所食  
飛走阡陌空號呼  
中園却羨啄木鳥  
利嘴自解謀朝哺  
曉來鐘鼓報新霽  
天半稍稍分浮圖  
試憑高樓肆遠目  
千里顛倒羅瓊琚  
逡巡夜月出海角  
光彩猛射來城隅  
方壺圓嶠只在眼  
綽約恍晤神仙居  
咄哉浩景似欺壓  
謂我不足為傳摸  
風流江左杜從事  
氣格豪瞻凌相如  
安得飄飄跨鸞鵠  
手持栗尾來為書

次韻彥瞻舟次三壑見寄

雪消幽港漲漪連  
草際晴絲罨細烟  
避漿輕鷗翻點點  
亞墻修竹靜娟娟  
風流遠繼東山後  
詩句高凌北斗邊  
何日去尋陽羨路  
相携青嶂弄雲泉

次韻彥瞻樊良道中

幾日官河凍不流  
朝來微暖始通舟  
江梅破蘂香猶淺  
汀草埋沙綠未浮  
修網橫川魚乍集  
晴雲開野雪初收  
探珠既已從驪頰  
何用區區入海搜

寄張明甫朝奉

昔公令吾鄉綠髮氣方壯鳴絃坐高堂百里肅清曠良  
辰騁遨嬉繭足履青嶂當時陪杖屨笑語相頡頏論文  
希鄴都樂事敦可尚銅章既云解余亦航海上悠悠亘  
六載天角空相望竭來石頭城邂逅慰離愴攜手雨花  
臺俛仰得超放瓶盃徙京口冉冉抱微恙扁舟亂江來  
起我神益王浮雲共平生飄忽無定向去年客梁園塵  
土紛冗長狙獫失林木憔悴無優况獨有青桂枝冰雪  
不凋喪惠然肯過從香積仍接餉秋風迫南還危帆高

且張落日通津門轉盼增惋悵寢寐見高標幽魂驚夜  
帳相忘同海魚千里各雲浪

探梅

問訊風篁嶺下梅疎枝冷蘂未全開繁英待得渾如雪  
霜曉無人我獨來

歲寒亭

草枯蓬斷正紛紛翠幹排簷不改陰自是孤根難挫抑  
驕霜傲雪本無心



與元規話別 二首

湖水蒼茫四接天，短篷孤榜數回旋。  
想君東海東頭夢，猶在汀洲白鳥邊。

雷岫庵南千種梅，含芳準擬為君開。  
冷香秀色誰為主，趁取花時更一來。

春日 二首

蘭英蕙萼競芳新，左右吹香暗襲人。  
江海久無騷客賦，一枝唯可薦靈均。

清溪白石曉磷磷  
洗露桃花兩岸新  
欲覓劉郎家住處  
但聞雞犬不逢人

春詞 三首

輕雲著地柳垂絲  
百尺高臺獨步時  
遙愛南隣紅杏樹  
曉來新有過牆枝

濛濛小雨暗池塘  
遠樹依微不辨行  
可是晚來風更惡  
杏花香亂撲回廊

水開池面初浮綠  
日促花梢始破紅  
謾道春光來眼底

茫然無意對芳叢

駐景樓

額額高樓古道傍樓前風物鬱縱縱溪聲不斷來幽耳  
山色常時在小窓金鼎養丹嘗駐景玉罇傾酒屢空缸  
宋清賣藥長安市千載佳名與子雙

程公闢給事罷會稽道過錢塘因以詩見贈

二首

嘗聞鐘鼓過蓬萊席上無非八斗才剡燭揮毫公屢朜  
投壺飲醵客先頽老元格調真難繼短李風流不易陪

鑑水稽山行樂處後車長是載鄒枚

江干千騎送朱輪父老無緣借寇恂吳國旌旂開白日  
越溪桃李失青春雄名素與珠星爛妙質長隨玉樹新  
當宁比聞思舊德萬方行見入洪鈞

寄濟明

茫乎一氣同渾淪瀰漫六合無邊垠吁哉破散幾千載  
被在萬物含其真清輕為天濁為地一一厚薄理自勻  
駑駘騏驥不並廐夜光魚目難相親錢郎少年直清齋

英姿綽欲揮等倫忠言謹論躡根本行義修篤無緇磷  
是家嚴君抱勁烈直筆曾預螭頭臣我昔浮游雲溪側  
傾蓋遇予情彌欣炎雲燒空五六月漾舟南郭吟青蘋  
溪流寬圓野橋碧溪樹靜嘯涼飈新奇探險取得佳句  
欲壓柳惲江南春瓶盃屬我暫行役樂事一跌成參辰  
使君旋亦報西去紛紛萬變難重陳南山暮冬厚積雪  
剛茂不死期松筠

江行寄俞仲寬察院

潮回沙浦寒月落山未曉駕言江上行行遠心亦悄郊  
屋兩三家雞聲聞縹緲輕風颭垂楊芳枝何裊裊上有雙  
鳴禽下有蕙蘭草蒸蒸物已繁灼灼花更好時見賴尾  
鱗跳波泳紋藻即事起幽情情舍結懷抱故交如參辰  
咫尺曠烟島紅日已三竿回轅白沙道但聞蕭蕭間欸  
音飛杳杳

春日禱興十首

池南池北日融融水荇風蒲各占叢幸有花枝能照眼

可無詩句補春工

城根野水綠逶迤  
颭颭風船掠岸過  
日暮蕙蘭無處採  
渚花汀草占春多

柳外披烟舒遠目  
花邊植杖坐芳茵  
能言百舌深藏葉  
解舞鷓鴣雞不避人

雨閣中庭暖日浮  
春禽百種聚喧啾  
粉腰蜂子尤無賴  
撓遍花鬚未肯休

去歲春風上苑行  
爛窺紅紫厭平生  
而今眼底無姚魏

浪蕖浮花懶問名

碧流如鏡轉春渠時送殘紅出雨餘可怕莓苔黏屐齒  
強扶筇竹過隣居

雨洗樓頭碧瓦昏五更殘月墮金盃  
轆轤索轉玉繩曉  
花底宿禽無數喧

梅梢青子大如錢慚愧春光又一年  
亭午無人初破睡  
杜鵑聲在柳花邊

戢戢籬根紫筍長滿城桃李罷芬芳  
東風雖是無情物



送謝迎繁亦更忙

樹萱移菊助春榮  
沐雨梳風擢翠莖  
童子新能理荒穢  
不教蕭艾並叢生

雪堂雨中

梢林急雨暮淒淒  
簾幙風燈暗欲迷  
向曉請看南陌上  
一番紅素掩春泥

春日赤壁二首

艷艷春江水拍提  
雙雙出沒羨鳬鷺  
白沙青石無泥滓

且遂東風進杖藜

蕭瑟江梅樹樹空  
蘭芽猶短未成叢  
行窮赤壁山西路  
只有桃花一樣紅

留別雪堂呈子瞻

策杖南來寄雪堂  
眼看花絮老風光  
主人今是天涯客  
明日孤帆下渺茫

寄題徐德之先生閑軒

建安自古多雋髦  
徐子磊落尤其豪  
論兵說劍走湖海

身勤事左無所遭綠林五校已屠膾黑衣三衛羞徒勞  
歸來故山便卜築脫棄萬事輕鴻毛橫前澗水漱哀玉  
傍舍老捩藏飛猱山蔬何用羨梁肉鶴氅未必輸青袍  
追雲弄月有真趣慎勿輕語傳兒曹

九江與東坡居士話別

雪水黃樓赤壁間滕遊長得共躋攀屠龍冉冉空三載  
窺豹悠悠愧一斑投錫雲林聊避暑絕江舟楫自東還  
求田問舍知何處杖屨他時訪小山

贈潘邠老秀才

去年雲夢澤南州為訪太史嘗淹留東坡寒碧最佳處  
恨不得子同遨遊今年廬山深且窅感君忽來慰枯槁  
溪月巖雲亦有情昨夜為君顏色好飄飄綠髮方妙年  
圖史滿腹皆精妍揮毫應敵風雨快咳唾落紙珠璣圓  
廣文英豪僅數千逸羣驥子誰與肩男兒窮通故有命  
勸子未宜嗟蹭蹬丈夫蓋棺事始定他日雄飛鵬鷃勁  
草草論文未有涯匆匆別我却還家秋風更約通玄府

共訪仙人卧彩霞

邨老嘗約余重會于太平觀

酬周元翁推官見贈

南來濟濟多俊良  
聲聞逸發推周郎  
詞場較藝一戰捷  
筆陣獨掃千人強  
炯然眉目行且貴  
驥足萬里看騰驤  
吟詩作賦不媚俗  
期與往者同芬芳  
斷璋殘壁忽我贈  
把玩溢目驚輝光  
自嗟行李久蕭瑟  
安得置之雲錦囊  
又聞跨馬欲過我  
此意想君非渺茫  
山中草木最宜夏  
雨餘一一含幽香  
雛鶯乳燕學飛舞  
葉底啞咤調圓吭

闌干笋蕨雖也老  
璫錯梅杏猶可嘗  
陰崖碧洞不受暑  
谷風習習吹衣涼  
提携為子掃盤石  
譚笑共坐莓苔蒼  
宣毫越楮須盛載  
吟取佳句還巾箱

南康與曾子宣內翰相別抵暮大風聞泊舟神林  
浦因以詩寄之

旗亭方喜會高標  
杞國天崩促去撓  
星渚風花朝冉冉  
神林雨脚暮蕭蕭  
飛流濺沫江翻怒  
拆岸頽沙蜃倚驕  
遙想英雄濟川手  
壯懷寧復畏傾搖

曾子開吏部服闋赴召道過廬山與余宿會東林  
觀子固舍人題名一首

驛騎駸駸破夕烟西來遇我虎溪前征途乍即應勞止  
陳迹重窺更泫然天上歸瞻新日月山中行覩舊林泉  
感時撫事情何極且伴幽人此夜禪

過公擇藏書室

我公昔未仕託蹤此山阿牙籤列圖史萬卷堆嵯峨披  
剝得精要卷衣辭薜蘿一住三十年功名歎蹉跎公今

陟臺省壯志應未磨出處獨不謬紛紛當奈何脫身早  
來歸挂冠舊庭柯松窓展故帙炯炯臨羲娥豈復求甚  
解聊將寄天和勿憂野馬集勿念蟲網羅山祇善守  
護早晚潛揮訶

雙溪晚步懷少游子實

亭午炎威劇風溪破曉行紆餘憐野約錯落見長庚  
藻魚呈媚梢林露獻清二豪俱二闕此樂與誰并



參寥子詩集卷五